

大方廣佛華嚴經疏卷第四十四

已下入三
十九經

唐清涼山大華嚴寺沙門深觀撰宣

第十法雲地所以來者瑜伽意云雖於一切品類宣說法中得自在而未能得圓滿法身現前證受今精勤修習已得圓滿故有此來論云於九地中已作淨佛國土及化衆生第十地中修行令智覺滿此是勝故以八九二地同無功用故對之顯勝有此地來又一乘中最居極故次釋名下自有釋名分今且略解雲者是喻略有三義一舍水義二覆空

義三霍雨義約法就喻則有多義雲有四義一喻智慧二喻法身三喻應身四喻多聞熏因空亦四義一喻真如二喻麤重三喻法身四喻梨耶攝大乘論云由得總緣一切法智含藏一切陀羅尼門三摩地門此喻舍水義總緣一切法契經等智不離真如如雲合空總持三昧即是水也又云譬如大雲能覆如空廣大障故此喻覆空義即以前智能覆惑智二障又云又於法身能圓滿故此有二義一喻霍雨義即上之智出生功德充滿所依

法身故二喻徧滿即前之智自滿法身耳故金光明云法身如虛空智慧如大雲成唯識中亦有三義全同攝論而瑜伽云麁重之身廣如虛空法身圓滿譬如大雲皆能徧覆此同攝論第二義而無性釋以智覆空此以法身者智滿則法身圓滿起信論云顯現法身智純淨故本分云得大法身具足自在亦依法身喻雲真諦三藏釋金光明經云虛空喻三法身雲喻三道之智此法喻亦齊似非經意此喻位極非道前故莊嚴論第十三云於

第十地中由三昧門及陀羅尼門攝一切聞熏習因徧滿阿梨耶識中譬如浮雲徧滿虛空能以此聞熏習雲於一刹那於一一相於一一好於一毛孔雨無量無邊法雨充足一切所化衆生由能如雲雨法雨故名法雲此從法身未及佛故立賴耶名十住論云於無佛世界能雨法雨故瑜伽又意云言大雲者未現等覺若現等覺能雨大雨作利益故是則密雲不雨舍德而已然諸釋雖衆不出三義謂以智慧含德徧斷諸障徧證法

身故所覆麤重即所離障謂於諸法中未得自在障此障十地大法智雲及所含藏所起事業故斯即二愚障所起業名大神通愚障六智雲即悟入微細秘密斷此障故便能證得業自在等所依真如謂神通作業總持定門皆自在故便成受位等行具智波羅密得化身三昧等果即是雲雨究竟成佛法身及所證如皆亦所偏虛空其旨一耳次正釋文文中三分先讚請中有十六偈前十三讚後三偈請前中亦二前三偈但申供養有三

類可知後十偈天女供讚於中亦二初一總標供讚餘九正顯讚辭於中亦二前八讚佛德能後一勸修利益前中亦二前五讚大用自在後三顯自在所由前中亦二前二用益普周後三隨見不等於中亦二初一總明後二八相顯所由中亦二初一智了世幻故文有喻合後二證窮性相故於中半偈證體半偈起用半偈用不離體半偈體用泯絕後三請中初一結默念請後二上首言請第二正說論分八分一方便作滿足地分攝前九地

所修總爲方便滿此地故二得三昧分初住
地行行德無量偏舉受職之所依故三得受
位分正住地行依前定力攝佛智故四入大
盡分是地滿行望前諸地行已窮盡今復地
滿盡之極故五釋名分此地學窮辯德顯稱
故六神通力有上無上分地滿足已妙用自
在形前無上形佛劣故七地影像分以喻顯
法如因影像知形質故八地利益分彰說殊
勝勸修趣入故後之二分通該十地將前攝
後云此地有八若依前長科後二分通則此

地分二先明地行後彰位果地行之中方有
六分如上所列六中初一是入心餘是住心
出心即調柔果已如前說今初分中二先總
明後善滿下別顯今初無量智者阿含廣故
觀察覺了者證智深故寶性論中地上菩薩
起二修行一約根本智名如實修即此證智
二約後得智名偏修行即此廣智諸地具起
上二種行今於上二決擇思修別中十句攝
爲七相初三七八二處合故七中一善修行
故即是同相謂初三句明證助不住諸地同

修故初句證道無漏白法故何以得證由次
句助道何因成助由後句不住道增福德故
不住無爲增智慧故不住有爲後六別相謂
二廣行大悲即普偏隨順自利利他相此總
前七地合爲一相以七地差別之相八地之
宣曰
初已辨故此總舉普偏釋廣隨順釋行大悲
利他而成自業故云自利三一句令佛土淨
即八地相下三相即九地以親證此故多舉
之謂四一句教化衆生相即九地自分行入
十一稠林故五有二句善解相謂解達真如

是佛所行處故善順如來能證寂滅行故六
無厭足相當觀察力等欲趣入故上句解此
句行並九地勝進故前地云晝夜專勤更無
餘念唯入佛境界故七地盡至入相謂十地
證窮故同前諸地結行入位已屬第十故云
名爲得受職位第二佛子菩薩摩訶薩以如
是下明三昧分於中二初牒前起後後即得
下正顯於中四初別舉十名二如是等下結
所得數三菩薩於此下彰入滿足四其最後
下顯最後名今初十中初總餘別總云離垢

者離煩惱垢故是障盡地偏受此名別中九定離八種垢一入密無垢謂解入事事法界深密之處不與惑俱故二近無垢萬行已圓道場斯近故如淨名說上來初一解次一行下三成德三放光無垢謂光開心華令其見實亦能坐種種大寶蓮華光無不照故四陀羅尼無垢如海包藏五起通無垢則無心頑現上五皆起法身之定也六有二定清淨佛土無垢上句無量則盡法界之疆域下句正觀窮國土之體性上六自利七化生無垢上

之二利皆自分行八正覺無垢謂勝進上覺將成菩提時一切諸佛迭共現前而證知故如下受職處說以本覺將現故二結數者亦是眷屬皆現前者久修成就不加功力自然現故三軀入滿足中能入者通方便定體入起相即隱顯無方故云善巧善了所作即知業用四彰最後名者將說受位分故一切智者佛無分別智也論經重言智者兼後得智二智平等名受位也第三此三昧現在前下明受位分於中有四一法二喻三合四結今

初有六一座二身三眷屬四相五出處六得
位六中前五自分德備後一上攝佛果前中
初三位體次一位相後一位用前三即依正
眷屬今初隨何等座謂大寶華王座故於中
二先明主華自有十相一主相即寶蓮華二

其華下量相三以衆妙下勝相具德故四超
過下地相生處故五出世下因相六知諸下
成相七恒放下第一義相正觀普照法界現
事故如世蓮華開敷萬舌爲第一故八非諸
天下功德相菩薩德招故九毗琉璃下體相

十其華下莊嚴相二十三十下明眷屬華第
二爾時下隨何等身殊妙之身稱於座故第
三無量下隨何眷屬第四佛子此大下隨何
等相周徧作業爲其相故第五佛子此菩薩
坐彼下隨何出處十處出光令惡道出離苦
宣。六。

薩增行故文分爲四一舒光作業二衆聖咸
知三下類奔風四同聲相應今初十處放光
有三種業一利益業二發覺業三攝伏業今
類例相從且分爲四一前之亡光但有益業
前五益凡後二益小二第八一光有二業半

一者益益九地已還菩薩故二者發覺令知故言一半者但有攝義攝彼今來故三第九一光亦二業半一益等位菩薩故下文彼光既令此益此光必益於彼故二發覺令知故言一半者魔宮不現是伏業故四第十頂光但有發覺文分爲三一顯照分齊二右繞下正顯作業謂興供成益益言不退菩提者論有四義一於登地證決定故二入正定聚故三定離放逸惡故四定集善事故三佛子下事訖收光言足下入者若約教相頂光入足

顯深敬故若約證實終極之智從下趣入諸佛境故故論釋後段云平等攝故顯證佛境即自證故第二爾時下衆聖咸知第三佛子是時下下位奔風申敬獲益文並可知第四當爾之時下同聲相應以修平等因行互相資故表內吉祥深廣之德嚴心已圓故外於此相放光相益又上此照彼放眉間光表中道已照今彼照此乃於眉相者表心契懸同德圓魔盡名壞魔怨第六爾時十方下明隨所得位於中二一放光於中十業初光名即

益業益一切智令成佛故二卷屬光是因業
三示佛是敬業四開悟業五振動業六止惡
業七降魔業八示現業九如是下卷舒業十
示現種種即變化業二現是事已下入頂成
益入頂者若約化相上收於下也若約實義
照極心源名爲智頂成果在已是爲光入論
云諸如來光明彼菩薩迭互智平等攝受故
謂菩薩頂光入佛足則因上進於果也佛光
入菩薩頂果收因也亦因收果入則無迹因
果雙亡名平等也當爾之時下得益名爲下

結位入佛境者所證同也具十力者行德同
也墮佛數者如始出家便墮僧數第二佛子
如轉輪下喻喻上六事文少不次初喻隨何
身二其轉輪下喻隨何座三張大下喻隨何
相四取四大下喻隨所得位王喻真身手喻
應身旃喻白毫水喻於光應有第三隨何等
眷屬謂文武百寮以爲輔弼五即能下明隨
何等出處第三菩薩受職下合但合隨所得
位正意在此故第四佛子下總結結斯一分
大文第四佛子菩薩住此法雲下明入大盡

分於中有五種大一智大二解脫大三三昧
大四陀羅尼大五神通大此五依五種義一
依正覺實智義離智障故二依心自在義離
煩惱障故三依發心即成就一切事義意定
力故四依一切世間隨利益衆生義意能徧
持口能徧隨故五依堪能度衆生義身及諸
宣四通廣能運故前二自利後三利他文中三前
二別明後三合例今初智大分二先別明後
總結今初有七種智一集智大二應化智大
三加持智大四入微細智大五密處智大六

入劫智大七入道智大此七展轉相生今初
集智依能斷疑力了法緣集故文中先別明
後舉要下總結前中有二十集皆明因緣集
然通真妄及與和合故有三分一染分二淨
分三滅分在文六重一唯染謂初四及衆生
集諸見煩惱集二唯淨謂聲聞已下諸集三
唯滅謂虛空四淨染合說謂識及有爲世界
成壞五淨滅合說謂無爲及涅槃擇滅無爲
爲淨非擇滅爲滅性淨涅槃稱滅餘三涅槃
爲淨六通染淨滅謂法界故論云隨所正不

正以法界通善不善及無爲故而論諸句皆有隨所言者隨何等差別皆能知故第二佛子下明應化智中三初牒前起後以依前緣集智身起化用故故論云依彼身起力次如實下正顯後如是下總結別中十句初三衆生世間自在化化起衆生善惡業及利鈍使令衆生見似真造作故次一句器世間自在化次五智正覺世間自在化三乘正覺故一法界化爲三乘所說法行餘四化爲三乘人及果後一通三世間有情有分別器無分別

智正覺通上二也第三又如實知佛持下加持智論云依如是如是轉行力謂依彼應化常化不絕爲加持行其事非一重言如是有十一句初三不斷三寶是境界持餘八是行持於中初二逆行勝熱炙身無狀行虐婆須染欲徧行處邪皆其事也後六順行前四起因行時謂起因之時願等因體後二得果在時時謂長劫智即果體謂一切智智故第四又如實知諸佛下微細智謂知佛化用微細自在故論云依彼應化加持善集不二作故

謂依前應化等三智合爲不二之智作此微細化用故隨一事即具前三非但八相一具餘七文並可知第五又入下密處智依護根未熟衆生不令驚怖故現塵纏隱細而祕密俱成初三即總顯三密次三別顯起化密一意知化時二口與其記謂懈怠者遲記怯退者速記或引實行聲聞與應化者記又昔但記菩薩則於聲聞記爲祕密隨機隱顯後攝衆生密論經云攝伏謂攝受折伏皆通身口次一教密約實則無三說三三即爲密但爲化

菩薩故約機非一說一一亦爲密後三約所知明密知根種種知業萬差知遙順行皆得菩提故爲密也第六又知下入劫智依命行加持捨自在意謂劫時遷流名爲命行一攝一切名曰加持一入一切名之爲捨以廢已隨他故劫隨心轉名爲自在亦十世隔法異成門也以不得不思議解脫不見長短一多大小互相即入等並如發心品第七又知如來下入道智論云依對治意說謂偏入諸道若遂若順皆爲對治無非入道此約知凡夫道

若約知化凡夫道即此逆順等便是佛道別
中有十四句初句總入所化謂毛道凡夫隨
風不定故論經云入凡夫道論云依凡夫地
餘句別顯所化略有三種一依我慢行者令
入微塵智觀破摶聚唯塵無我故二依信求
生天者入淨國土過於所信故餘皆依覺觀
者於中初句起覺觀身次二句正顯覺觀心
行差別次句明所覺境上四即所化之覺觀
次四句能化之行初句總顯徧行故次二隨
宜若逆若順後句若深若淺後四句化令入

三乘果第二佛子一切下總結前七皆佛之
智菩薩能入故名智大第二佛子至住此地
下明解脫大中三初標得位次即得下略顯
有十初依神通境界轉變自在言念不及故
如淨名所得二能至無量世界以願智力無
拘礙故三明離障解脫故云淨觀離障有二
並皆知之一約位則世出世間所離不同二
就出世中學無學別此學無學並通三乘上
三中前二約通此一約智共爲一對總相以
明約身明通就人顯智次三一對一通二智

四約心明通普照物機隨意轉變一時普應如觀音普門示現故次二約法明智謂五即法陀羅尼顯如來藏中蘊恒沙德故六即能破他言隨彼言破無礙圓滿故次二一對相入通智約時明通由達三世劫隨意住持相入故約因緣集顯智一切種智包藏法界之

佛子菩薩摩訶薩通達如是下釋名分中三一能受如來大法雲雨故名法雲二佛子此地菩薩以自願下明能注雨滅惑故名法雲三佛子此地菩薩於一念下明注雨生善故名法雲然後之二段從自受名今此一段從所受立名論云雲法相似以偏覆故此地中聞法相似猶如虛空身徧覆故謂佛身雲徧覆法界法雨亦多唯此能受故名法雲文中明智即一而能知多故後此十下結廣第三二先總明能受之德由前七智成就念力能如是乃至下總例餘三大盡分竟大文第五

受持之義耳二十方下別顯受法之相於中
三初總顯受多二歷數顯多三問答顯多今
初有法喻合法中三一明所受法多二大法
明下所受法妙故下合云祕密藏也文有三
宣一
句上二句性故謂三慧所知名法自性大法
十二
明是聞思智攝受故照是修慧所攝受故下
答顯多中先問後答答中二先校量顯示一
句作故謂說授衆生如雲與他雨法雨故三
於一念下顯能受德一念者速故既多妙又
速展轉顯勝能安者堪能安受文故受者信
受故上二受文攝者思惟攝取義故持者攝

受彼文義成二持故此但順說下喻合中乘
反顯不能文並易了第二佛子譬如大海下
歷數顯多中先喻後合海能安者受一切水
故受者不濁故濁如不信攝者餘水數入失
本名故持者用不可盡故第三解脫月下問
答顯多中先問後答答中二先校量顯示一
佛之所受法廣多後如一佛下類顯多佛言
三世法藏者三世佛法之藏也而論云於法
界中三種事藏者意取法明照雨蘊在法界
故以彼經云法界藏故故爲此釋第二註雨

滅惑釋名中此中雲等如出現品廣明悲寒普覆故法雷驚蟄故通明無畏照機速疾今見道故以福智因成種種身如雲形顯多故法雨正能破四魔故第三注雨生善釋名八相漸益故可知大文第六神通力有上無上分中有六種相一依內二依外三自相四作住持相五令歡喜相六者大勝若就經文分二前四合爲一段正顯神通後二爲一斷疑顯勝今初分二先別明後總結別中三初明体内智慧明達者即起通之智亦陀羅尼二

神通者是通體三自在即通德亦攝不思議解脫及與三昧具此三事即通無上第二隨其下依外謂業用依外境而起故亦是第三依自相謂轉變作用是神通相故此二經文是一義分爲二今依自相釋文自有二種一轉變外事於中三一同類略廣轉二垢世界下垢淨異事轉三或隨心下塵容世界等是自在轉二或隨心念於一毛下應化自身可知第三或隨心念於一念中示現不可說下作住持相謂常用不絕故第二爾時下斷疑

顯勝中二先斷疑後顯勝今初即論生喜由
疑除故於中二先示自神通力斷疑二說法
斷疑今初有二問答初一問答顯神力無上
令眾歡喜後一問答顯神力有上令眾歡喜
前中先問後答問中先大眾生疑舉佛疑菩
薩如上之事佛可得爾菩薩豈然後上首爲
請答中二一入定現通二問答決擇今初即
事爲驗故於中三一法主入定國土體性無
所不融故能一身包含無外二入此下衆觀
希奇表通自在故佛號通至三金剛下攝用

增敬第二爾時解脫月下問答決擇中三初
問名字二又問下業用分齊三佛子菩薩住
下類顯廣多於中二初但結多定已顯業周
難思後佛子此法雲下結略顯廣則餘德無
盡此中亦即大盡中事第二解脫月下顯有
上中謂劣於佛故先問後答問中即舉菩薩
五請答中二一入定現通二問答決擇今初即
疑佛謂菩薩既實得爾則佛應不勝若言勝
者其相云何故問辭則同疑意懸隔答中三
一總訶問非顯佛德無量二復次下舉所未
說顯佛德無量謂向所說乃是十地德之少

分如四天下之少土全將菩薩之德以比如來狀如四天下土以比無邊大地況將已說之少分以比如來則如一塊以比無邊大地佛證極故三佛子我今下引事類顯佛德無量第三佛子菩薩住如是智慧下說法斷疑者謂此地菩薩智慧能令衆生入一切智復顯上說其德不虛故疑除生喜然此下文當出地心比前諸地即調柔果而論復將入前分中欲顯義門多勢終似惑人若準上例上來地行竟此下第二明其位果於中亦有三

果今初調柔果中五一調柔行二此地菩薩智慧下教智淨三佛子此菩薩已能安住下勝過自在四此菩薩十波羅蜜下別地行相五佛子是名下總結地名五中前二合爲說法今喜可知後三及餘二果俱名大勝顯義多含故論連前勢爲果已定更不重言就大勝中初三明神通勝二攝報中得十不可說等名筭數勝此二種事勝一切地故名大勝偏舉此二者以是神通有上無上門中明故就前三中先明勝過自在於中二初牒前次

諸佛下別顯後舉要下總結別中五句爲三
初句即能斷疑行謂令通達三世之中所有
道義故二一句速疾神通行聞說如來祕密
法界故三餘三句等作助行謂以平等三道
助通化益故於中初句作淨佛國土平等化
即是助道次句作法明平等化謂教智化後
句作正覺平等化謂慈念令得證知故故論
經云令一切衆生得證法故餘別地結名及
算數等並可知大文第八佛子此菩薩摩訶
薩十地行下地影像分於中四喻謂池山海

珠喻四功德前二是阿含德後二證德前中
池喻修行功德即諸地中起修之行二山喻
上勝功德即依修成德德位高出故三海喻
難度能度大果功德即修所成德能至大果
故謂大海難度十德皆徧故名能度大海難
成由攬十德能成智海故云大果此釋法喻
兼含矣四珠喻轉盡堅固功德謂從初地轉
至法雲障盡證堅故又十地有三一是修地
因前果後故初二喻顯之二是成地隨分修
成即是佛智故珠喻顯之三是法地就佛智

法開之爲十故海喻顯之以後一融前二無
有障礙又此四喻皆喻十地與彼佛智非一
非異無差別之差別而旨趣各殊初一喻始
異終同次山喻能所依別所依之地則一能
依之山不同此則無差之差上二喻有能所
依下二喻直喻地智不立能所三海喻全一
〔三四〕
佛智之體而十德不同德非別物又互相徧
不同於山斯乃無差別之差別差即無差四
珠喻唯是一珠前後之異唯一智體前後增
明喻雖無差別不礙差別又初喻前後體別

前非是後而後包前次喻前前非後後後
非前前而同依一體海喻前後雖殊而前後
相徧珠喻前後一體而前前非後後後必
具前前初一即是圓家漸次喻圓中漸珠喻
即是漸圓海喻即圓圓也四喻圓融上來所
解在論雖無理必應爾若得斯旨不疑十地
差別等相今初修行德中有法喻合法中始
從歡喜終至法雲名次第行相次第既具則
入智海譬中四大河者面各出一故具如十
定品而言大者阿含婆沙云出二十河以四

河去池四十里各分爲四并本四爲二十今就本河所以言大下云增長攝餘十六而勝鬘云八者以東面五河人皆具見餘三大河名聲普聞十二小河不聞不見故但言八合中菩提心合池流出善根等合四河依菩提心修四攝行自善增長故準十定品說有四河今文舍具一願智河即大願之水二波羅蜜河三昧河即今善根四大悲河即以四攝法充滿衆生故言無有窮盡等者合上無盡竭大願等皆無盡也第二山喻上勝功德

宣四
中有四初總舉於法次如因下總顯於喻三佛子如雪山下法喻對顯四佛子此十寶下總結法喻今初言因佛智者爲修平等佛智而起諸行修既未窮故隨十地之行各一增上斯乃爲修無差而成於差以本統末非全隔越第二總顯於喻意可知鞞陀黎者此云種種持由乾陀此云雙持迴文即云持雙也尼民陀羅此云持邊斫迦羅此曰輪圍計都末底此云憧慧第三法喻對顯中語其山體前二土山餘八是寶故論云是中純淨諸

寶山喻八種地三地世間云何言淨論云厭
地善清淨故謂能修善厭伏煩惱亦得爲淨
喻以寶山若語山中所有即明各有增上義
也初地聖智法藥二地戒香三地禪等可貴
如寶四地出世如仙五地善巧自在如夜叉
六地以五地修四諦因相同聲聞未能出彼
六地超彼成果無盡七方便善巧如彼龍神
超前緣起之因名緣覺果八地無功用心自
在故此自在衆即是密迹諸神九地善巧攝
生大力相故十地佛德如天已淳淨故論云

前三及六非衆生數餘皆衆生數就非衆生
數中有二種事一初二及第六是受用事資
內報故第三寶是守護積聚事受用中有二
一藥是四大增損對治二香及果即長養衆
生以捷闡婆常食香氣故衆生數中復有六
種難對治一五通福田治貧窮難以供彼仙
能生福故二夜叉治死難威制眷屬不令害
人故三龍治儉難降時雨故四諸自在衆治
不調伏難調伏難調故五修羅治惡業難以
呪術力制諸眷屬不造諸惡故六大威德天

治修羅怨敵難以四天王三十三天俱處此山故論但顯喻義含於法今略全之初地法藥初破無明故二地戒六地無漏慧資法身故三地禪等可蘊積故四地道品資助能生福故五地修無住不未滅故七地功用滿足無所少故八地三世間化得自在故九地善知禍林得無礙辯破惑業故十地如佛降四魔故皆言集在其中者如所說事能生一切物故不可盡者隨順修行不未斷不斂息故第四總結法喻即結成本意本意有二一既

同一智海得差別名則差非差也二互相顯義謂彼十大山因海得高勝名若在餘處不足爲高故大海亦因大山得深廣名含斯大義故十地亦爾因修佛智故得高勝佛智亦因十地所不能窮方顯深廣故論云因果相顯前言依地即一切智地生長住持故此言依海即一切智海由深廣故以山依二處法舍二義故更顯之又地則但依海兼明入故二一山皆浮入大海一一地智皆入佛智又二一山下皆有於地則一一地中皆有佛地

又山在海海則非山山若依地山即是地法合是顯非一異義思之又山出海上高下等殊若入海中量皆齊等十地教行則優劣懸差若證如入智量皆平等第三大海十相明難度能度大果功德先喻後合皆有總別合中總云不可殺奪者此有二義一果海因十地相不可奪其果海深廣之名二地行因相由依智海不可奪其因行之稱以是海家之相故果家之因故若奪因相則果亦不成喻中約果名不可奪法中舉因名不可奪文影

略耳故論云因果相順故云何相順謂十地如大海此總舉也能度難度者顯因順果也如海十相方能成海得大菩提果故果順因也如海成時不失十相離十相而無海離十地而無佛智故十地即智海也別中攝十爲八一易入功德以漸故二淨功德三平等功德四護功德護自一味恒不失故五利益功德利世間故六六七二句合爲不竭功德以深廣故七住處功德無功用行是菩薩所住故經云大身者以無量身修苦薩行十身相

作故八末後二句合名護世間功德九地潮
不過限不誤傷物知機授法不差根器十地
若無大海水溺四洲餘不能受必生毀謗又
得此二法用護世間第四寶珠喻轉盡堅固
功德者先喻後合各有總別總云過衆寶者

宣四

二十

論經云過十寶性雖不列名論但云過琉璃
等意但取玻璃等不能出寶者以況小乘八
輩及緣覺行果但有淨相無利生用今以出
寶乃至放光則出過衆寶故取之爲喻故論
云以出故取亦可以出海故取之除不出者

闕餘義故別中攝十爲八合六七八故八中
一出功德可取者選擇出海故由初地中如
智善觀出煩惱海也二色功德由治理之則
色明淨故三形相四無垢五明淨並可知六
起行功德即次下三句謂智行穿徹方便行
攝持自在行高顯故相用不染猶彼琉璃頌
云金剛取不動不壞上三皆是異相莊嚴故
合爲一後三句明功用殊勝謂七神力功德
聞持普照體用微妙故八不護功德謂隨王
雨寶無護惜故約法則得佛正智受位如王

令一切衆生同已善根藏故如隨意雨寶故合云廣作佛事合文可知大文第九佛子此集下地利益分於中三初顯法利益二如此世界下結通十方三爾時復以下他方來證宣四今初分二初生信功德後雨衆天下供養功德今初復二先明說益生信謂欲令物生決定信故說利益後爾時下動地生信今初亦二先總歎難聞後解脫月下問答顯益答中二先正顯等於佛智後何以下徵以釋成先反後順然聞有二義一者況爾聞爲遠益故

二不取聞相初後圓融真實聞故聞已等佛何更修也若更修行等多佛故第二動地生信中佛力爲緣而動地者亦爲生信故又法如是者亦是因也餘如初會第三重頌分若取長科即當第十於中二先說偈儀意後正顯偈辭今初先說儀後欲讚下說意意有九句大旨同前諸會今約當會以釋初句即顯初地次句即二地以三聚戒爲行境故三即三四二地厭禪出世智皆淨治行力故四即五地五明成種智故五即六地般若能除垢

故六即七地空有無礙與一切智故七即八
地無功不思議智莊嚴三世間故八即九地
十地能說能受諸功德故九即總結便指上
八句如是地義以頌說之云更開顯第二正
顯偈辭有四十二頌分三初一偈總讚勸聽
後一偈結說無盡中間正頌分八初十三偈
頌方便作滿足地分於中初二頌半總頌前
九地同相中善擇功德餘頌諸地別義若依
總攝即次第頌前十地前八地中唯三地半
偈餘各一頌九地有三頌兼結入位二有一

偈頌三昧分三有五偈半頌受位分四有三
偈半頌大盡分五有三偈頌釋名分六有三
偈頌神通力有上無上分七有四偈半頌前
位果亦是神通分攝如長行辨八有七頌半
頌地影像分於中初三偈半頌山喻次二頌
海喻後二頌珠喻池及地利益分文略不頌
三十一
其利益分亦可結說無盡頌之十地竟

大方廣佛華嚴經疏卷第四十四

永樂北藏

大方廣佛華嚴經疏

第一七〇冊